

სს „ნამახვანი“



ნამახვანი

წყალტუბოს რაიონში, სოფელ ჟონეთში მდ. რიონზე მდებარე ხიდის
გამოცდის სამუშაოების შესყიდვის

ელექტრონული ტენდერი

სატენდერო დოკუმენტაცია

CPV71328000

1. ინსტრუქცია ტენდერში მონაწილეობისთვის

სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურების განხორციელების საფუძველია საქართველოს კანონი „სახელმწიფო შესყიდვების შესახებ“ (შემდგომში - კანონი) და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“, დამტკიცებული სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით, იხ. საიტი <http://procurement.gov.ge>

- ელექტრონული ტენდერი, ტარდება კანონის მე-3 მუხლის 1.“ჟ“ პუნქტის თანახმად;
- ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 160 კალენდარული დღით, ტენდერისათვის სტატუსის „წინადადების მიღება დაწყებულია“ მინიჭების ეტაპიდან;
- პრეტენდენტს არა აქვს უფლება წარმოადგინოს ალტერნატიული წინადადება.

1.1. შესყიდვის ობიექტი

შესყიდვის ობიექტია წყალტუბოს რაიონში, სოფ. ჟონეთში მდ. რიონზე გადასასვლელი ხიდის, სქემით 7/27-ზე გამოცდა. ხიდი წარმოადგენს ნამახვანის ჰესის მისასვლელ საექსპლუატაციო ხიდს. დროებით დატვირთვად მიღებულია БЕЛІАЗ 151-ის დატვირთვის ექვივალენტი თანაბრადგანაწილებული დატვირთვა (10,0 ტ/მ)

სახიდე გადასასვლელის მდებარეობა	ხიდის სქემა მ	ხიდის გაბარიტი მ	ხიდის სიგრძე მ	ხიდის ფართობი მ2	აშენების წელი
მდ. რიონი, სოფ. ჟონეთი, წყალტუბო	7X27	G 8,5+2X0,75	198.90	2238.43	2015

1.2. გასაწევი მომსახურების ვადები და პირობები:

მიმწოდებელმა უნდა უზრუნველყოს მომსახურების გაწევა არაუგვიანეს 2015 წლის 1 ივნისისა.

1.3. ანგარიშსწორების პირობები:

1.3.1. ანგარიშსწორება მოხდება უნაღდო ანგარიშსწორებით ლარში.

1.3.2. ანგარიშსწორება მიმწოდებელთან წარმოებს, შემდეგი წესით:

- ავანსი - არაუმეტეს სახელშეკრულებო ღირებულების 30 %-ისა საავანსო გარანტიის წარმოდგენიდან 2 სამუშაო დღის ვადაში;
- საბოლოო გადახდა 70 %. საბოლოო ჩაბარებიდან არაუმეტეს 20 სამუშაო დღის ვადაში.

1.4. შესყიდვის ობიექტის სავარაუდო ღირებულება:

1.4.1. მომსახურების სავარაუდო ღირებულებაა 26 000 (ოცდაექვსიათასი) ლარი დღგ-ს და საქართველოს კანონმდებლობით გათვალისწინებული ყველა გადასახადებისა და გადასახდელების ჩათვლით. ღირებულებაში შედის მომსახურების გაწევისას დასაქმებული მიმწოდებლის თანამშრომლების ტერიტორიაზე ტრანსპორტირების, ცხოვრების, ტექნიკის ლიზინგის და სხვა ნებისმიერი ხარჯი. მიმწოდებელს უფლება არ აქვს მოითხოვოს ნებისმიერი დამატებითი ხარჯის ანაზღაურება გარდა შემოთავაზებული საბოლოო ფასისა.

1.4.2. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

1.5. საკონტაქტო ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, ბარათაშვილის 8, სართული IV. საკონტაქტო პირი სოფიო მაჩალაძე - 595 14 55 33, ტექნიკურ საკითხებზე გიორგი ჩაჩიბაია 577 649 439.

2. ტექნიკური დოკუმენტაცია

2.1. პრეტენდენტმა უნდა წარმოადგინოს შემდეგი დოკუმენტაცია:

- დანართი #1 - ის მიხედვით - აფიდავიტის შევსებული ფორმა;
- დანართი #2 - ის მიხედვით - რეკვიზიტები;
- დანართი #3 - ის მიხედვით სატენდერო წინადადება და ხარჯთაღრიცხვა;
- დანართი #4 - პრეტენდენტის გამოცდილების შევსებული ფორმა. გაწეულ მომსახურებაზე ხელშეკრულების და მიღება-ჩაბარების აქტების ასლები, ან მიღება-ჩაბარებების ნაცვლად საგადასახადო დავალებები, რომლებიც დაადასტურებენ კონკრეტული ხელშეკრულების შესაბამისად თანხების ჩარიცხვის ფაქტებს;
- დანართი #5- ინფორმაცია სამუშაოების შესასრულებლად საჭირო ხელსაწყო-იარაღების შესახებ.
- დანართი #6 - სპეციალისტთა (იმ ძირითადი ინჟინერ-ტექნიკური პერსონალის, რომელიც დაკავებული იქნება ამ ტენდერით გათვალისწინებული მომსახურების გაწევაზე) გამოცდილების შევსებული ფორმა - სატენდერო დოკუმენტაციაში მითითებული ცხრილის მიხედვით და სპეციალისტთა რეზიუმეები, დიპლომები/სერტიფიკატები.

იურიდიული პირის შემთხვევაში, დამატებით პრეტენდენტმა უნდა დაადასტუროს, რომ პრეტენდენტის იურიდიული პირის ქონება არ არის დატვირთული საგადასახადო გირავნობით/იპოთეკით/ ან/და არ ადეკვადანაა ყადაღა/საჯარო სამართლებრივი შეზღუდვა და შესაბამისად წარმოადგინოს შემდეგი დოკუმენტები:

- უახლესი ამონაწერი სამეწარმეო რეესტრიდან;
- ცნობა საჯარო რეესტრიდან, რომ არ მიმდინარეობს კომპანიის რეორგანიზაცია ან ლიკვიდაცია;
- ცნობა სასამართლოდან, რომ კომპანიის მიმართ არ მიმდინარეობს გაკოტრების ან სანაციის საქმის წარმოება;
- ცნობა მომსახურე ბანკიდან ანგარიშზე საინკასო დავალების/ყადაღის არ არსებობის შესახებ.

თუ პრეტენდენტი ფიზიკური პირია, მან უნდა წარმოადგინოს

- ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;
- ცნობა შესაბამისი უფლებამოსილი, ლიცენზირებული სამედიცინო დაწესებულებიდან რომ მას მთლიანად ან ნაწილობრივ არ აქვს შეზღუდული ქმედუნარიანობა;

2.2. პრეტენდენტს ტენდერით გათვალისწინებული მომსახურების გასაწევად უნდა გააჩნდეს საკუთარი ან საქართველოს სამოქალაქო კოდექსით ნებადართული ან აუკრძალავი ნებისმიერი ფორმით (ქირა, თხოვება და ა. შ.) სატენდერო დოკუმენტაციით მოთხოვნილი ხელსაწყო-იარაღები.

2.3. პრეტენდენტს უკანასკნელი 3 (სამი) და მიმდინარე წლის განმავლობაში გაწეული უნდა ჰქონდეს არანაკლებ 10 დასრულებული ანალოგიური მომსახურება. პრეტენდენტმა უნდა წარმოადგინოს გაწეული, ტენდერით გათვალისწინებული ანალოგიური ხასიათის, სირთულის და შინაარსის მომსახურებაზე გაფორმებული ხელშეკრულებების და ამ მომსახურების დასრულების დამადასტურებელი დოკუმენტის ასლები (მომსახურების გაწევის აქტი, საგადასახადო დავალება, ან/და გაწეული მომსახურების მიღება-ჩაბარების აქტი, ან/და დამკვეთის მიერ გაცემული გაწეული მომსახურების დამადასტურებელი ცნობა).

2.4. პრეტენდენტი პირის მიერ წარმოდგენილი ძირითადი სპეციალისტების 50% უნდა გააჩნდეს ტენდერით გათვალისწინებული ანალოგიური ხასიათის, სირთულის და შინაარსის (სახიდე გადასასვლელის გამოცდა) მომსახურების გაწევის არანაკლებ 3 წლიანი გამოცდილება.

2.5. შესყიდვაში მონაწილეობის მსურველმა უცხო ქვეყნის პირებმა ზემოთ აღნიშნული დოკუმენტაცია უნდა წარმოადგინონ თავიანთი ქვეყნის შესაბამისი სამსახურებიდან, დამოწმებული საქართველოს კანონმდებლობით დადგენილი წესით (ლეგალიზებული ან აპოსტილით დამოწმებული).

3. ტექნიკური დავალება

3.1. ხიდის გამოცდის ძირითადი მომსახურების ჩამონათვალი:

№	შესასრულებელი სამუშაოების დასახელება
1	გასაზომი და გამოსაცდელი ხელსაწყო-იარაღების შემოწმება, წესრიგში მოყვანა და ტარირება
2	ხიდსაცდელი ჯგუფის გადაყვანა დანიშნულების ადგილზე
3	ხიდის ვიზუალური დათვალიერება ადგილზე
4	საპროექტო გადაწყვეტიდან გადახრის დაფისქსირება (თუ კი ასეთი არსებობს) და მათი გაფორმების სისწორის შემოწმება (პროექტთან შედარება)

5	ხიდის კონსტრუქციული ელემენტების (ბურჯები, სარეგულაციო კედლების, საყრდენი ნაწილები, მალთანაშენი, სავალი ნაწილი, ტროტუარები, მოაჯირები, დეფორმაციული ნაკერები, მისასვლელები) ტიპებისა და გეომეტრიული ზომების დადგენა (აზომვითი სამუშაოების ჩატარება)
6	ხიდის კონსტრუქციული ელემენტების (ბურჯები, სარეგულაციო კედლების, საყრდენი ნაწილები, მალთანაშენი, სავალი ნაწილი, ტროტუარები, მოაჯირები, დეფორმაციული ნაკერები, მისასვლელები) შესწავლა დეფექტების დაზიანებების და უწყესრიგობების გამოვლენა და დაფიქსირება
7	ხიდის სავალი ნაწილისა და ტროტუარების სისწორის და მათი გრძივი და განივი ქანობების დადგენა გეოდეზიური ხელსაწყოებით.
8	ხიდის სავალი ნაწილიდან და მისასვლელებიდან წყალის აცილების სისტემის შემოწმება და ტექნიკური მდგომარეობის შეფასება
9	ხიდქვეშა ზონის გამოკვლევა და ცოცხალი კვეთის გადაღება
10	ბურჯების წარეცხვის დონის და მათი ფუნდირების დონის დადგენა სპეციალურ მყვინთავთა ჯგუფის მიერ (საჭიროების შემთხვევაში)
11	მაღის ნაშენის გამოცდა სტატიკურ დატვირთვაზე
12	მაღის ნაშენის გამოცდა დინამიკურ დატვირთვაზე
13	მაღის ნაშენის გამოცდის შედეგების ანალიზი ტვირთამწეობის დადგენის მიზნით
14	ხიდის ტექნიკური მდგომარეობის შეფასება, დასკვნების მომზადება.
15	ტექნიკური ანგარიშის შედგენა, გაფორმება და დამკვეთზე გადაცემა. 3 ეკზემპლიარი ნაბეჭდი სახით და 1 (ერთი) ელ. ფორმით CD -ზე ჩაწერილი.

ხიდის შემოწმებისათვის დაიშვება სპეციალიზირებული პირები, რომლებსაც გააჩნიათ ხიდების გამოცდის პრაქტიკა, გამოცდილება და საჭირო აღჭურვილობა.

სამუშაოები უნდა წარიმართოს შემდეგი ძირითადი მიმართულებით:

- ხიდის ვიზუალური დათვალიერება და ინსტრუმენტალური აზომვები;
- ნაგებობების (სამალო ნაშენის, ბურჯების და რეგულაციების) დეტალური დათვალიერება, დეფექტების და გაუმართაობის სპეციალურ ჟურნალში ასახვა, არსებული მდგომარეობის შექმნის მიზეზების დადგენა;
- გეოდეზიური ინსტრუმენტების საშუალებით ნაგებობის მდგომარეობისა და სავალი ნაწილის პროფილის დადგენა;
- ხიდქვეშა გაბარიტის საკმარისობა წყალდიდობის დროს საანგარიშო ხარჯის შეუფერხებლად გასატარებლად;
- სამალო ნაგებობების შერჩევა გამოცდისათვის;
- სტატიკურ და დინამიკურ დატვირთვებზე გამოცდა;

ხიდზე სპეციალური ხარაჩოების მოწყობა, ჩამოსაკიდებელი კალათების დამზადება, მათი მონტაჟი და გადაადგილება, ხელსაწყოებისათვის მაგიდების დამზადება და დაყენება,

კიბეების შეკვრა და გამოცდის სპეციფიკიდან გამომდინარე სხვა მოსამზადებელი ღონისძიებების ჩატარება დატვირთული ავტოტრანსპორტის დაქირავების ჩათვლით მიმწოდებლის მოვალეობაა.

ვიზუალური დათვალიერებით მიმწოდებელმა უნდა დაადგინოს ლითონის კოროზია, კონსტრუქციის ელემენტების და კვანძების დეფექტები, ბზარები, მაღალი სიმტკიცის ჭანჭიკებისა სრულყოფილება და მდგრადობა, შედუღებულ ნაკერებში ბზარების წარმოშობა და სხვა.

უნდა დადგინდეს არსებული დეფექტების გავლენა კონსტრუქციის სიცოცხლისუნარიანობაზე და ა. შ.

უნდა შემოწმდეს ფოლადის კონსტრუქციების დამცავი ანტიკოროზიული ფენის მდგრადობა. დაისახოს რეკომენდაციები აღდგენითი სამუშაოების შესასრულებლად.

განსაკუთრებული ყურადღება მიექცეს იმ ადგილებს, სადაც კონცეტირებულია სტატიკური და დინამიკური დატვირთვებისაგან წარმოშობილი ძაბვები.

ფოლადრკინაბეტონის კონსტრუქციებში განსაკუთრებული ყურადღება მიექცეს გამონოლითების კვანძების ხარისხს.

რკინაბეტონის მალეში ვიზუალურ შემოწმებას ექვემდებარება ძირითადი კოჭები, ფილები და დიაფრაგმები.

რკინაბეტონის სამალო ნაგებობების ანალოგიურად სპეციალური ხელსაწყოების გამოყენებით შემოწმებას ექვემდებარება, (ბეტონის კლასის დადგენა) ბეტონისა და რკინაბეტონის ბურჯები. მიმწოდებელმა თავის პროგრამაში დეტალურად უნდა აღწეროს სტატიკური და დინამიკური გამოცდის ტექნოლოგია და რა შედეგს მივიღებთ ამ გამოცდისაგან.

მომსახურების გაწევის პროცესში მიმწოდებელი ვალდებულია იხელმძღვანელოს საქართველოში მოქმედი ყველა საჭირო ნორმების, სტანდარტებისა და წესების მოთხოვნების ასევე ტექნიკური დავალების და ხელშეკრულების საერთო და სპეციფიკური პირობების დაცვით.

3.2. მომსახურების გასაწევად საჭირო ხელსაწყო-იარაღების ნუსხა

№	ხელსაწყო-იარაღების დანიშნულება	ფუნქციის დასახელება	რაოდენობა
1	ტოპოგოდეზიური სამუშაოების შესასრულებლად	ელექტრონული ტახეომეტრი	1
2	ჩაღუნვის გასაზომად	ინდიკატორი	8
3	ძაბვის გასაზომად	ტენზომეტრი	16
4	რხევების ჩასაწერად	-----	1
5	ბეტონის და რკინაბეტონის კონსტრუქციის სიმტკიცის დასადგენად	-----	1

6	ლითონის ელემენტების სისქის დასადგენად	-----	1
7	დამხმარე მოწყობილობები და ხელსაწყოები	რადარი, მანძილმზომი, გაბარიტმზომი და სხვა	4
8	რკინაბეტონის კონსტრუქციებში არმატურის კოროზიის აღბათობის დასადგენად	ინდიკატორი	1
9	რკინაბეტონის კონსტრუქციებში არმატურის განლაგებისა და დამცავი ფენის სისქის დასადგენად	ინდიკატორი	1
10	ბზარების გახსნის სიღიდის დასადგენად	ინდიკატორი	1

შენიშვნა: ელექტრონული ვაჭრობის დასრულების შემდეგ, სატენდერო კომისიას უფლება აქვს ნახოს პრეტენდენტის მიერ წარმოდგენილი ხელსაწყო-იარაღები.

4. სახელმწიფო შესყიდვების შესახებ ხელშეკრულების პროექტი

ერთის მხრივ, სს „ნამახვანი“, წარმოდგენილი მისი დირექტორის, გიორგი ჩაჩიბაიას სახით (შემდგომში – “შემსყიდველი”),

და

მეორეს მხრივ, ----- (შემდგომში “მიმწოდებელი”) წარმოდგენილი
დირექტორის -----

სახით,

იმ გარემოებიდან გამომდინარე, რომ 2014 წლის ----- შემსყიდველის მიერ
სახელმწიფო შესყიდვების შესახებ” საქართველოს კანონის მე-3 მუხლის პირველი პუნქტის “ჟ”
ქვეპუნქტის შესაბამისად გამოცხადებულ ტენდერში SPA-----
გამარჯვებულად გამოცხადდა შპს “-----

---- “ ფასით - (-----) ლარი დღგ-ს გარეშე,
ვთანხმდებით შემდეგზე:

1. ხელშეკრულების საგანი

წყალტუბოს რაიონში, სოფ. ჟონეთში მდ. რიონზე გადასასვლელი ხიდის, სქემით 7/27-ზე
გამოცდა თანდართული ტექნიკური დავალების შესაბამისად.

2. გასაწევი მომსახურების ხარისხი

2.1. მიმწოდებელი იღებს ვალდებულებას, რომ გაწეული მომსახურების ხარისხი უპასუხებს
ხელშეკრულებით გათვალისწინებულ პირობებს და დააკმაყოფილებს შემსყიდველის
მოთხოვნებს.

2.2. მიმწოდებელი ვალდებულია შეტყობინების მიღებისთანავე განახორციელოს
უხარისხოდ შესრულებული მომსახურების ან მისი ნაწილის გამოსწორება შემსყიდველის
მხრიდან რაიმე დამატებითი დანახარჯების გაწევის გარეშე.

3. ხელშეკრულების შესრულების კონტროლი (ინსპექტირება)

3.1. ხელშეკრულებით ნაკისრი ვალდებულებების შესრულების პერიოდულ ინსპექტირებას
და კონტროლს ნებისმიერ ეტაპზე ახორციელებს შემსყიდველი.

3.2. მიმწოდებელი ვალდებულია საკუთარი რესურსებით უზრუნველყოს შემსყიდველი
კონტროლის (ინსპექტირების) ჩატარებისათვის აუცილებელი პერსონალით, ტექნიკური
საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის
(ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის
ანაზღაურებას უზრუნველყოფს თვით შემსყიდველი.

3.3. მიმწოდებელს ევალება საფინანსო ინსტიტუტებთან და ინვესტორებთან, ასევე
შემსყიდველის კონსულტანთან თანამშრომლობა ნებისმიერ, მის მიერ შესასრულებელ
საკითხზე.

4. შესყიდვის ობიექტის მიღება-ჩაბარების წესი

4.1. სამუშაოს მიღება-ჩაბარება განხორციელდება შემსყიდველისა და მიმწოდებლის
უფლებამოსილი წარმომადგენლების მიერ მიღება-ჩაბარების აქტის გაფორმებით.

4.2. მიღება-ჩაბარების აქტის გაფორმების პარალელურად, მიმწოდებელი ვალდებულია წარუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

5. ანგარიშსწორების წესი

5.1. სამუშაოების სრული ღირებულებაა ----- ლარი დღგ-ს ჩათვლით. ანგარიშსწორება მოხდება უნაღდო ანგარიშსწორებით ლარში, შემდეგი წესით:

ანგარიშსწორება მიმწოდებელთან წარმოებს უნაღდო ანგარიშსწორების ფორმით, შემდეგი წესით:

ა) ავანსი - სახელშეკრულებო ღირებულების - % საავანსო გარანტიის წარმოდგენიდან 2 სამუშაო დღის ვადაში;

ბ) საბოლოო გადახდა - %. საბოლოო მიღება-ჩაბარების დოკუმენტზე ხელმოწერიდან და ანგარიშ-ფაქტურის მიმწოდებლისთვის წარდგენიდან არაუმეტეს 20 სამუშაო დღის ვადაში.

5.2. ხელშეკრულების ღირებულების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

5.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

6. საავანსო გარანტია

6.1. მიმწოდებელი ვალდებულია ხელშეკრულების დადებიდან -- დღის ვადაში წარუდგინოს მიმწოდებელს საავანსო გარანტია. გარანტიის პირობები უნდა იყოს შემდეგი:

- გარანტი უნდა იყოს ლიცენზირებული ბანკი ან სადაზღვევო კომპანია;
- გარანტია უნდა იყოს უპირობო და გამოუთხოვადი;
- ბენეფიციარს უფლება ექნება მოითხოვოს და დაუყოვნებლივ მიიღოს გარანტიისგან უზრუნველყოფილი თანხა, ყოველგვარი მტკიცებულებების წარდგენის გარეშე;
- გარანტიის ვადამდე შეტყვევების პირობები: ა) გარანტის მიერ ბენეფიციარისთვის გარანტიით უზრუნველყოფილი თანხის სრულად გადახდის შემთხვევაში, ბ) ბენეფიციარის მიერ გარანტირებულ უფლებებზე უარის თქმა და გარანტისთვის გარანტიის დაბრუნების შემთხვევაში;

- გარანტია გაიცემა ავანსად გადასახდელ სრულ თანხაზე;
- გარანტია უზრუნველყოფს ავანსის ხელშეკრულებით განსაზღვრული მიზნით გამოყენებას;
- ძალაში შედის გაცემისთანავე და მოქმედებს ხელშეკრულების ვადის პროპორციულად.

6.2. საავანსო გარანტიით უზრუნველყოფილი თანხაა ავანსის სრული ოდენობა - სახელშეკრულებო ღირებულების -- %.

6.3. გარანტია თან დაერთვის წინამდებარე ხელშეკრულებას და წარმოადგენს მის განუყოფელ ნაწილს.

6.4. გარანტიის შემსყიდველისთვის მიწოდების ვადის გადაცილება არ იმოქმედებს ხელშეკრულების ვადებზე.

7. მხარეთა პასუხისმგებლობა

7.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მიმწოდებელს დაეკისრება პირგასამტეხლოს გადახდა ყოველ დარღვევაზე ხელშეკრულების ღირებულების 0,1%-ის ოდენობითან.

7.2. გარდა ზემოაღნიშნული პირგასამტეხლოსი, შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა - ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით.

7.3. პირგასამტეხლო გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 2 კვირისა.

7.4. პირგასამტეხლოს გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

7.5. შემსყიდველს უფლება აქვს ცალმხრივად გაქვითოს მიმწოდებლის მიერ მისთვის გადასახდელი ნებისმიერი თანხა, მის მიერ გადასახდელ ნებისმიერ თანხაში, ცალმხრივად, მიმწოდებლის თანხმობის გარეშე.

8. ხელშეკრულების შეწყვეტა

8.1. ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლობის შემთხვევაში, მხარე ვალდებულია დამრღვევ მხარეს დაუდგინოს გონივრული ვადა ვალდებულების შესასრულებლად და ვადის უშედეგოდ გასვლის შემთხვევაში შეწყვიტოს ხელშეკრულება.

8.2. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღება მეორე მხარის მიერ ხელშეკრულებით ნაკისრი ვალდებულების შეუსრულებლობით.

8.3. შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ დამატებითი ვადის მიცემის გარეშე:

ა) მიმწოდებლის მიერ ხელშეკრულებით ნაკისრი ვალდებულებების ორჯერ ან მეტჯერ დარღვევის შემთხვევაში;

ბ) მიმწოდებლის მიერ ხელშეკრულებით ნაკისრი ვალდებულებების 10 კალენდარულ დღეზე მეტი ვადით გადაცილების შემთხვევაში;

გ) სახელმწიფო კომპეტენტური ორგანოს მიერ ნამახვანის ჰესის პროექტის შეჩერების შემთხვევაში;

დ) საქართველოს კანონმდებლობით გათვალისწინებულ სხვა შემთხვევებში.

8.4. იმ შემთხვევაში, თუ ხელშეკრულება წყდება ხელშეკრულების 8.5. პუნქტის „გ“ ქვეპუნქტის შესაბამისად, მიმწოდებელს უფლება არ აქვს მოსთხოვოს შემსყიდველს შეწყვეტის შედეგად დამდგარი ზიანის ანაზღაურება.

8.5. ხელშეკრულების ვადამდე შეწყვეტის შემთხვევაში, მხარეები ვალდებული არიან შეწყვეტიდან 2 კვირის განმავლობაში განახორციელონ საბოლოო ანგარიშსწორება და ფაქტიურად შესრულებული სამუშაოს ჩაბარება.

8.6. ნებისმიერ მხარეს უფლება აქვს გავიდეს ხელშეკრულებიდან, თუ ფორს-მაჟორული გარემოება გრძელდება 1 თვეზე მეტი ვადით.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით

ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

9.4. იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

10. კონფიდენციალურობა

10.1. მიმწოდებელი იძლევა გარანტიას, რომ ყველანაირი ინფორმაცია და მონაცემები, მოთხოვნილი ან მოპოვებული მის მიერ, დაკავშირებული სამუშაოებთან, ხელშეკრულებასთან და მის შინაარსთან ითვლება კონფიდენციალურად, შენახული და დაცული იქნება მის მიერ საიდუმლოდ და ხელშეკრულების მოქმედების პერიოდში და მის შემდეგ 5 (ხუთი) წლის განმავლობაში არ უნდა იქნეს გამჟღავნებული რომელიმე ფიზიკური ან იურიდიული პირისათვის, რომელიც არ წარმოადგენს წინამდებარე ხელშეკრულების მხარეს, გარდა:

10.2. როდესაც ამას მოითხოვს რომელიმე სამართლებრივი პროცედურა ან სასამართლო გადაწყვეტილება, რომელიც სავალდებულოა მხარისათვის;

10.3. გარანტიისა, რომელმაც უნდა გასცეს/გასცა ხელშეკრულებაში მოცემული გარანტიები, ამასთან ინფორმაცია უნდა შემოიფარგლებოდეს მხოლოდ გარანტიის მისაღებად საჭირო აუცილებელი შინაარსით;

10.4. იმ შემთხვევისა, როდესაც ნებისმიერი მონაცემი ან ინფორმაცია მხარისაგან დამოუკიდებლად ხდება საჯაროდ ცნობილი.

10.5. საიდუმლოს გამჟღავნებად არ ითვლება, თუ აღნიშნულზე წინასწარი წერილობითი თანხმობა განაცხადა შემსყიდველმა იმ პირზე მითითებით, რომელსაც უნდა გადაეცეს შესაბამისი ინფორმაცია.

11. ხელშეკრულებაში ცვლილებების შეტანა

ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა დაიდოს წერილობით, რომელსაც ხელს აწერენ მხარეები.

12. უფლებების გადაცემა

12.1. მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

12.2. მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

12.3. უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13. ხელშეკრულების ღირებულება და მოქმედების ვადა

- 13.1. ხელშეკრულება ძალაში შედის მხარეების მიერ ხელმოწერიდან და მოქმედებს -----.
- 13.2. მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

14. ურთიერთობა ხელშეკრულების დამდებ მხარეებს შორის

- 14.1. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით ან ბარდება ხელზე. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის, ელექტრონული ფოსტის ან ფაქსის გაგზავნის გზით ხელშეკრულებაში მითითებულ რეკვიზიტებზე.
- 14.2. შეტყობინება მიღებულად ითვლება ადრესატის მიერ მისი მიღების დღეს.

15. სადაო საკითხების გადაწყვეტა

- 15.1. ხელშეკრულების დამდები მხარეები თანხმდებიან მასზედ, რომ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ, შესაძლებელია გადაწყდეს მხარეთა გონივრული შეთანხმებით. შეუთანხმებლობის შემთხვევაში საქმეს წყვეტს თბილისის საქალაქო სასამართლოს.
- 15.2. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. დამატებითი პირობები

- 16.1 წინამდებარე ხელშეკრულება და ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.
- 16.2. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ და ინგლისურ ენაზე.
- 16.3 ხელშეკრულება შედგენილია ქართულ ენაზე, ორ ეგზემპლარად და გადაეცათ მხარეებს.
- 16.4. ხელშეკრულებას თან ერთვის შემდეგი დანართები:

17. მხარეთა რეკვიზიტები და ხელმოწერები

აფიდავიტი

სატენდერო წინადადების დამოუკიდებლად განსაზღვრის თაობაზე

მე, ქვემოთ ხელმოწერი, _____
(სახელი, გვარი, პ/ნ)

_____ სახელით,
(პრეტენდენტის დასახელება, საიდენტიფიკაციო ნომერი)

წარვუდგენ რა სატენდერო წინადადებას _____

(შემსყიდველი ორგანიზაცია და სატენდერო კომისიის დასახელება)

მის მიერ _____

(ტენდერის გამოცხადების თარიღი და შესყიდვის ობიექტი)

შესყიდვის მიზნით გამოცხადებულ ტენდერში მონაწილეობის მისაღებად, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

1. ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;
2. უფლებამოსილი ვარ პრეტენდენტის მიერ, ხელი მოვაწერო ამ აფიდავითს და წარვადგინო ეს სატენდერო წინადადება;
3. ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.
4. ჩემთვის ცნობილია რომ ტერმინი „კონკურენტი“ აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.
5. მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
ა) სატენდერო წინადადების ფასი;
ბ) სატენდერო წინადადების ფასის გამოთვლის მეთოდი, კოეფიციენტი ან ფორმულა;
გ) სატენდერო წინადადების წარდგენა ან წარდგენისგან თავის შეკავება;
დ) ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს.
ე) შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.
6. სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

(პრეტენდენტის რეკვიზიტები)

(პრეტენდენტის უფლებამოსილი წარმომადგენლის სახელი, გვარი და ხელმოწერა)

(თარიღი)

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

დანართი #2 რეკვიზიტები

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური

მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ანგარიშის ნომერი:

თანამდებობა, ხელმოწერა

დანართი #3 სატენდერო წინადადება და დეტალური ხარჯთაღრიცხვა

სატენდერო წინადადების ფასია ----- ლარი დღგ-ს ჩათვლით

ხარჯთაღრიცხვა

თანამდებობა, ხელმოწერა

დანართი #4 პრეტენდენტის გამოცდილება

№	პერიოდი	მომსახურების დასახელება (თითოეული ობიექტის დასახელებით)	შემსყიდველის დასახელება	ხელშეკრულების ღირებულება	ფაქტიურად გაწეული მომსახურების ღირებულება
1					
2					
და ა.შ.					

თანამდებობა, ხელმოწერა

დანართი #5 ხელსაწყო იარაღები

№	ხელსაწყო- იარაღების დასახელება	აღწერილობა, ტიპი, მარკა და ასაკი	რაოდენობა	მდგომარეობა	მფლობელობის სარგებლობის ფორმა. იჯარის შემთხვევაში წარმოდგენილი იქნას შესაბამისი საიჯარო ხელშეკრულებები
1					
2					
ა.შ.					

თანამდებობა, ხელმოწერა

დანართი #6 ძირითადი პერსონალი

თანამდებობა, სპეციალობა	გვარი, სახელი	მუშაობის საერთო გამოცდილება (წელი)	ანალოგიურ სამუშაოებზე მუშაობის გამოცდილება	ბიოგრაფიული მონაცემები (ინსტიტუტის დამთავრების წელი, სპეციალობა დიპლომის მიხედვით, ორგანიზაციების დასახელება და ამ ორგანიზაციებში დაკავებული თანამდებობები წლების მიხედვით).
1				
2				
და ა.შ.				

თანამდებობა, ხელმოწერა